



D. O. M.

DE FRACTA FIBULA.

T H E S E S
ANATOMICO-CHIRURGICÆ.

CUM id semper incumbat Chirurgo ut variis quibus corpus humanum læditur morbis auxiliatricem adhibeat manum, tum id præcipuè in animo habeat oportet, ut, fin

A

minus prodesse possit, saltem intempestivâ curatione non noceat. Artis enim salutiferæ scopo contrarium foret indè malum exsurgere, undè paratur medela. Quandoque igitur à methodis usurpatis cautus refugiet Chirurgus, ubi eorum utilitas in dubio versabitur, illudque ex officio suo esse judicabit nunquàm tentare remedium quod nocere forsan plusquàm prodesse posset. Quod quidem variis in morbis frequentius observatum, imprimis fracturâ fibulæ, partibus antea ritè per Anatomiam expositis, comprobari posse putamus.

EX ANATOMIA.

Fibula, os longum & gracile, tibiæ exterius & posterius annexum, in caput, corpus & basim dividitur.

Caput obliquè depressum cavitate cartilagineâ *faciecula* inferiori condyli externi tibiæ alligatur.

Basim latior, complanata, oblonga, posticè sinuositate excavata, externè tuberosa, internè verò tibiæ substantiâ quâdam veluti cellulosâ densissimâque adhærens, astragaloque facie cartilagineâ articulata, malleolus externus audit.

In corpore ut plurimum incurvato, ita ut curvaturæ convexitas tibiæ respondeat, tres anguli, tres facies deprehenduntur.

Facies externa, superius concava, inferius rotundior, prout descendit, magis magisque contorta versus basim ossis ferè posterior evadit: facies postica superius rotunda, inferius complanatur; interna sæpè sæpius parùm excavatur: utraque simili flexu, hæc antè, illa interiùs vergit. Hæc autem contorsio à musculorum actione oritur.

Capsulari ligamento tibiæ alligatur fibulæ caput fibrarum fasciculis antè imprimis densioribus confirmato, femori verò funiculo ligamentoso qui hinc fibulæ extremitati, indè

tuberositati condyli externi femoris inferitur, diciturque ligamentum laterale externum.

Quatuor ligamenta, anteriora duo, duo posteriora cum tibiâ constringunt fibulæ basim: ex his exteriora & superiora duo, lata, complanata, à tibiâ ad fibulam protenduntur; altera interiora & inferiora funiculum æmulantur inter os utrumque firmiter tensum.

Angulis Fibulæ tibiæque sibi respondentibus annectitur aliud ligamentum, medium seu interosseum dictum, duplici fibrarum sese decussantium ordine contextum, superius inferiusque ad vasa traducenda perforatum, & ita periosteo coopertum, ut os utrumque & ligamentum ipsum eadem lamellâ periostei continuâ involvi videantur.

Confirmatur insuper fibulæ cum pede articulatio triplici ligamento quod, vulgari nomine, *pedem anserinum* vocant, quodque ab extremitate Fibulæ descendit, posteriusque calcaneo, inferius & anteriùs astragalo alligatur.

Octo Fibulæ inferuntur muscoli, scilicet tres peronæi, extensor & flexor longus pollicis, extensor communis digitorum, solearis, & biceps: horum musculorum contractione dimoveri possunt ossis rupti fragmenta, sed, obstante tibiâ, parùm ut plurimùm à se distant.

EX CHIRURGIA.

Fractura Fibulæ dicitur ejus ossis divisio à vi externâ & contundente.

Essentiâ, dividitur in simplicem, compositam & complicatam; situ, in eam quæ fit osse medio, & eam quæ ad juncturas vergit; figurâ, in transversam, obliquam, & eam in quâ os in plurima frustula dissiliit.

Causæ sunt, ut cæterarum fracturarum, ictus, lapsus, nesus violenti.

4

De accidentibus, ut potè non fracturæ ipsi propriis, silebimus: liceat tantum frequentissimum exponere, scilicet malleoli externi distortionem, quam quandoque comitatur totius articuli diastasis.

Enim verò cum in eo est corpus ut, fallente vestigio, improvise lapsu humi prosternatur, statim musculis spontaneo motu contractis, ad lineam rectam reducitur, & articuli ligamenta, aut os ipsum omnem conatus vim patiuntur. Quid inde? vel fortiter contra obnituntur ligamenta, nullaque distensione læduntur, & statim os rumpitur; vel magis os resistit, ligamentaque aut distenduntur, aut elongantur, aut lacerantur, morbusque inde nascitur ipsam fracturam gravior, qui & tristiore prognosim, & longiorem curam expostulat.

Facilius difficiliusve fracta dignoscitur Fibula, prout inferius, superius, aut in medio rumpitur: etenim pars ejus inferior & superior tactui patet obnoxia, dum media profundius abscondita digitos inquirentes fugit. Oculis nulla ut plurimum prava deprehenditur conformatio, quam prohibet integra remanens tibia. Obscura est sæpè sæpius & vix sensibilis crepitatio, seu quia fragmenta ligamento interosseo, musculisque in situ naturali retenta sibi adhuc contigua adhæreant, seu contra quod hinc & inde distracta mutuo contactu appropinquari & collidi nequeant. Nec facilius aliis signis, ut dolore, motu impedito, &c. detegitur morbus; nam contusio, diastasis articuli majores plerumque dolores quam fractura procreant: immò & auctoribus & experientia comprobatur fractam Fibulam agros ab incessu non fuisse impeditos, quod anxium dubiumque medentis animum detinere posset. Morbum igitur ut certè dignoscat, alteram manu crus amplectatur, alteram pedem hinc inde commoveat, priorique secundum Fibulam pluries deductam, os omne sedulo interroget, ut ejus resistantiam aut partium fractarum

crepitationem persentiat : sic an, & ubi Fibula frangatur percipiet.

Ejus fracturæ prognosis ab essentiâ, situ, figurâ, &c. desumitur : felix ut plurimum pronuntiari potest, nisi ubi adest diastasis, sed etiam tunc non ab ipsâ fracturâ pendet gravitas morbi, immò contrâ minoribus stipari accidentibus hanc diastasin ruptâ, quam resistente Fibulâ, contendimus, quoniam ultimo casu majorem distensionem patiuntur ligamenta.

Curatio ut in cæteris omnibus fracturis in eo consistit ut partes fractæ in situm naturalem reducantur, reductæ contineantur, debellanturque accidentia. Sed priora duo modis vulgò usurpatis obtineri non possunt : quæ si adhibeantur, plus nocebit, quàm proderit Chirurgus.

+ Ac primò quidem ad reductionem celebrandam nec utiles, nec etiam possibiles forent extensiones quæ in fracturâ completâ requiruntur. Eadem enim causa quæ prohibet ne fragmenta super se invicem ascendant, scilicet tibia integra, eadem ne extensionibus elongari possint, impedit. Secundùm latitudinem tantùm ossis fracti partes dimoventur, ac proindè solam ferè coaptationem exigunt.

Crus molliter in situ medio sustineant ministri. Pes aut flectatur aut extendatur, prout magis contrahuntur flexores vel extensores, reductionique proindè obstant : paululùm tamen intus propellatur, ut magis à tibiâ distet fragmentum inferius, faciliùsque superiori fragmento coaptari possit. Tum verò digitis ossa reducat Chirurgus, nec manibus dimittat, dum apparatu idoneo contineantur ; nam cessante vi reducete, statim & ligamenti interossei elaterio, & contractioni musculorum, & naturali propensione cedunt.

Media verò quibus ossa continenda sunt, hic ab aliis vulgò usurpatis multùm differunt. Quid enim hoc in casu afferret boni circà crus solito de more circumvoluta fasciatio?

Nihil omnino. Immo partes fractæ quæ sponte suâ ad tibiam inclinantur, magis magisque ad illud os deflectent, sicque non solum ad situm naturalem non revocabuntur, sed etiam in statu contrario retinebuntur. Prorsus igitur ableganda illa deligatio, nisi industriè corrigatur; sic autem corrigi potest.

Fragmentis quàm maximè fieri poterit coadunatis, spleniolum longum crassumque, pollicem ad summum latum, idoneo imbutum medicamento, ante Fibulam, in ossium intervallo, alterum simile pone Fibulam apponitur. Dein altera pari longitudine, latitudine duplâ, priora super applicantur: post alia adhuc paulò majora, usque dum ita protegatur Fibula, ut fasciâ superinjiciendâ posteriùs tantùm & anteriùs coarctetur, externè verò nullam experiatur pressio-nem. Hæc omnia splenio circulari simplici fiscoque retinentur. Tum adhibetur fascia duos tresve digitos lata, tres ulnas ut plurimum longa, primum super fracturam circumvol-venda, dein superiùs inferiùsque deducenda, omnem appa-ratum neque strictiùs, neque laxiùs continens. Multùm etiam proderit si post primos hujus fasciæ circuitus charta spissior aptè conformata, dein lignea ferula concinnè ac-commodata hinc & indè super longa splenia adjiciantur. Sic enim & firmiùs fragmenta continentur, & tutiùs ab impressione circularis fasciationis Fibula defenditur.

Usurpantur demùm lectulus stramineus (vulgò *fanons*) funiculi, solea, ac præsertim linamenta mollia (*remplissages*), ita disposita ut lectulum stramineum à fibulâ arceant. Ca-vendum est enim sedulò ne lectulus ille stramineus nimium Fibulam premat: forsan etiam utiliùs ejus in locum sub-stitueretur mantile longius hinc & indè convolutum, funi-culisque mollissimè retentum, gallicè *faux-fanons*.

Diatâ, missionibus sanguinis, medicamentis emollientibus aut resolventibus, quiete, &c. præcaventur accidentia.

Seriùs ociùsve renovatur apparatus , prout dolet tumet-
que membrum , sed rarissimè ut plurimùm , ne motu con-
cutiantur ossa. Callus quatuor hebdomadum spatio , si nihil
obstet , generatur , non ita tamen ut securè incedere possit
æger ; sed per aliquot adhuc dies , omni apparatu remoto ,
semper tamen ægro decubante , magis magisque indurescit
concretio , liberiori cursu vasa permeat sanguis , sui nervis
spiritus , sui musculis motus , sua articulo flexibilitas redit ,
paulatimque omninò restituitur æger.

*HAS THESES DEO JUVANTE , & Præside M. PETRO-
MATHURINO BOTENTUIT-LANGLOIS , Artium libera-
lium & Chirurgiæ Magistro , antiquo Scholarum Prædicarum
Professore ; tueri conabitur JACOBUS-JOSEPHUS QUIQUE ,
Tornacensis , præclaræ Artium Facultatis in almâ Universi-
tate Parisensi Magister , necnon AUGUSTISSIMI PRINCIPIS
ATREBATUM COMITIS , Chirurgus.*

*Die Sabbati 31 mensis Augusti , anno Reparatae Salutis Humanæ
1782 , à sesqui-secunda post meridiem ad septimam.*

IN REGIIS CHIRURGORUM SCHOLIS,
PRO ACTU PUBLICO
ET SOLEMNI COOPTATIONE.

Parisiis , typis MICHAELIS LAMBERT , Regii Chirurgiæ
Collegii necnon Academiae Typographi , viâ Citharæâ.

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY

THE UNIVERSITY OF CHICAGO
THE DIVISION OF THE PHYSICAL SCIENCES
THE DIVISION OF THE CHEMICAL SCIENCES
THE DIVISION OF THE BIOLOGICAL SCIENCES
THE DIVISION OF THE SOCIAL SCIENCES
THE DIVISION OF THE HUMANITIES
THE DIVISION OF THE ARCHIVES
THE DIVISION OF THE LIBRARY